



Aldina Kamarić prije i poslije operacije

Šestogodišnjaja Aldina Kamarić doživjela je, nažalost, posljedicu ratnih strahota

Humanost je pobijedila

Aldina je sjedila pored prozora i sa strahom očekivala granate. Odjednom je osjetila da joj raste jezik... Slijedi period patnje

Piše:
Hasan BRKIĆ

Sudbina djece je ono što najdublje potresa. U vihoru prošlog rata veliki broj nastradalih bila su nejač iz bošnjačkog naroda. Stanovništvo iz susjednog Teslića našlo se pod svirepim nacističkim terorom. Mnoga su nedužna djeca pobijana na kućnim pragovima. Jedni su ostali bez noge, ruke, oka. Neki su ostali gluhi ili šlagirani od straha, kao što se zbio slučaj sa tada

Uskoro druga operacija

Prošle sedmice Aldina Kamarić operirana je u Zagrebu. Na drugu operaciju ide 15. novembra 1996. godine, kako bi konačno otklonila smetnje na štitičnim žlijezdama, koje je izazvao strah od granata.

dvogodišnjom Aldinom Kamarić iz Gornjeg Teslića.

Kako nam, priča Zulejha, Aldinina majka, granatiranje Teslića u junu 1992. godine bilo je iz nekoliko pravaca. Aldina je sjedila pored prozora i sa strahom osluškivala granate. Odjednom je osjetila da joj raste jezik i da se nalazi između zuba vani u dužini od pet do šest centimetara. Pokušala je da ga vrati, ali ostao je

ukočen. Nastale su smetnje u govoru, ali i jelu. Od toga dana počinje i Aldinina patnja sa jelom i pićem, koje je morala primiti kroz slamku. Iz Teslića se nije moglo izaći da se potraži lijek za nesretnu Aldinu.

Otac Ibrahim i majka Zulejha od toga dana nisu imali mira. Trebalo je obezbijediti hranu za peteročlanu porodicu i izbjeći četničku kamu, koja nije birala vrijeme i mjesto ubijanja. O liječenju maloljetne Aldine nisu smjeli ni misliti.

- Bili smo očajni, pričaju nam Ibrahim i Zulejha. Jedva smo čekali da izademo na slobodnu teritoriju Tešnja, gdje smo protjerani 10. oktobra 1995. godine.

Tada su smješteni kod bošnjačke porodice, u Potočanima, kraj Tešnja.

U obraćanju za pomoć preko Centra za socijalni rad, prva se javlja humanitarna organizacija "Kinderberg" iz Stuttgarta, koju je zastupala Senada Čamdžić iz Tuzle i koja potpisuje ugovor sa roditeljima Aldine donaciju od 4.000 DEM za pokriće troškova operacije u Kliničkom bolničkom centru u Zagrebu. Općina Tešanj donirala je 300 DEM i testički "Prontes" 100 DEM. Djevojčica je operirana protekle sedmice, ali je i dalje ostala u bolnici, jer treba krajem ove sedmice izvršiti još jednu operaciju, a koja košta 6.138 DEM. Za pokriće jednog dijela troškova (druge operacije) javio se MDD "Merhamet" iz Rijeke.